



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 13. november 2009

J.nr.: 01.31.06/09-00437

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00437 pillugu sisamangornermi ulloq 12. november 2009-mi aalajangiineranik Naalakkersuisunut ilisimatitsineq.

Peqqinnissaqarfimmut aningaasaliisoqaqqinnissaanik qinnuteqaat

Naalakkersuisut **inassutigaa**,

- Kontomi pingaarnermi 34.11.01-imi, Napparsimasut timikkut nappaatillit nunani allani katsorsarneqartarnerannut tunngasumi, aningaasaliissutit 8.700.000 kr.-nik amerlineqassasut
- Kontomi pingaarnermi 34.12.01-imi, Najukkani peqqinnissaqarfinni nakorsanit sullinneqarnermut tunngasumi, aningaasaliissutit 16.000.000 kr.-inik amerlineqassasut
- Kontomi pingaarnermi 34.12.02-mi, Ineriartortitsineranut suliassanullu tunngasumi, aningaasaliissutit 13.900.000 kr.-inik amerlineqassasut
- IST-ip inernera 38.600.000 kr.-inik ajorseriartineqassasoq.

Aningaasaqarnermut Ataatsimiititaliap oqaaseqaatai

Peqqinnissaqarfimmut 38,6 mio. kr.-inik ilassutitut aningaasaliissuteqarnissaq Naalakkersuisut suliama matumani qinnutigaa.

Peqqinnissaqarfimmut ingerlatsineranut aningaasaliissutit qaffanneqarnissaat 2009-mi tallimassa qinnutigineqartoq Aningaasaqarnermut Ataatsimiititaliamit oqaatigineqassaaq, tak. ataatsimiititaliap ukioq manna siusinnerusukku aalajangiineri (Suliaq 407, 419, 422 aamma 434). Tamanna tunngavigalugu Peqqinnissaqarfimmut ilassutitut aningaasaliissuteqarnissamik qinnuteqarnissap pisariaqaleqqinnera akuersaaruminaatsutut ataatsimiititaliamit isigineqarpoq.

Peqqinnissaqarfiup aningaasaqarnikkut aqutsinera kinguarsaanertaqanngitsumik nukittorsarneqartariaqartoq ataatsimiititaliaq isumaqarpoq. Minnerunngitsumik najukkani napparsimmaviit ulluinnarni aqutsineranni aningaasaqarnikkut aqutsinermik missingersuusiornermillu ilisimasaqartunik inuttalernerneqarnissaat pisariaqartutut ataatsimiititaliamit igineqarpoq, taamaaliornikkut aqutsineq nakorsiartarfimmi sulinermik sammisaqartunut (piffissami sivikitsumi atorfeqartitaasunut), taamaattumillu napparsimasunik katsorsaanissamik salliutitsisutut naatsorsuutigineqartariaqartunut isumagisassanngortinneqaqqunagu. Taamaaliornikkutaaq najukkani napparsimmavinni akissarsiassanik missingiinerluttarnermik ajornartorsiut saqqummiunneqartoq aamma

killilersimaarneqarsinnaavoq.

Peqqinnissaqarfiup aaqqissuussaananik misissueqqissaarnissaq pillugu Deloittemik ”isumaqatigiissuteqartoqassamat” qinnuteqaammut ilanngussami allassimasoq ataatsimiititaliamit immikkut maluginiarneqarpoq. Ataatsimiititaliap paasisai malillugit isumaqartoqaraluartoq taanna *isumaqatigiissutaareersoq*. 2010-mi aningaasanut inatsisissatut siunnersuummut Aningaasaqarnermut Ataatsimiititaliap apeqqutaanut 9.4c-mut Naalakkersuisut akissutaanni Naalakkersuisut ima paasissutissiippat: ”*Kalaallit Nunaanni peqqinnissaqarfiup aningaasaqarneranik aaqqissuussaananillu naliliisarluni misissuinissaq*” pillugu Deloitte *isumaqatigiissuteqarfigineqarpoq*”. Taamaattumillu isumaqatigiissut taamaattoq atsiorneqarsimanersoq atsiorneqarsimannginnersorluunniit erseqqissumik paasissutissiissutigineqassasoq ataatsimiititaliamit qinnutigineqarpoq! Isumaqatigiissut atsiorneqarsimappat aamma taassuma nuutinnera kissaatigineqarpoq.

Deloittep aaqqissuussaananik misissueqqissaarnera ukiuni marlunni ingerlanneqassasoq ataatsimiititaliamit maluginiarneqarpoq. Aaqqissuusseqqinnernik Peqqinnissaqarfiup aningaasartuutitigut tatineqarneranik killilersuinissamat naleqqussinnaasunik sapinngisamik piaartumik atuutsitsilernissaq siunertaralugu misissueqqissaarnerup tamatuma siuarsarneqarnissaa periarfissaqarnerasoq isumaliutigineqartariaqartoq ataatsimiititaliaq isumaqarpoq. Tamanna periarfissaqanngitsutut isigineqassappat tamatumunnga taarsiullugu killiffik pillugu nassuiaatinik imaluunniit nalunaarutunik ingerlaavartumik tigusaqartarnissani ataatsimiititaliap qinnutigissavaa.

Peqqinnissaqarfiup ingerlatsineq pillugu Sermit A/S-imik isumaqatigiissutini atorunnaarsissimagaa ataatsimiititaliamit maluginiarneqarpoq, Sermimit sullissineq naammagineqanngitsutut oqaatigineqarluni. Atorunnaarsitsinerulli kingorna Sermimit sullinneqarnissani Peqqinnissaqarfiup suli pisariaqartippaa, paasissutissiissutigineqartullu malillugit tamanna atuinerunissamik ilimasaarutigineqartunut siumut naatsorsuutigineqareersimanngitsunut peqataaqataasimavoq, tassa atorunnaarsitsinerup kingorna Ser mip akunnermut akigititani marloriaatinngortissimagai oqaatigineqarmat. Ser mip tungaanit taama periaaseqarnermi Ser mip tungaanit ileqqorissaarnissamat tunngasut eqqarsarnartoqarnerat eqqaassanngikkaanni Peqqinnissaqarfiup ingerlatsineq pillugu isumaqatigiissuminik atorunnaarsitsinerata *kingorna* maannamut akigititap assinga atorlugu ingerlatseqatigiiffiup sullissinini ingerlatiinnanngimmagu tamanna siumut naatsorsuutigereer neqarsinnaanngitsutut tupaallaataasinnaanngitsutulluunniit isigineqarsinnaavoq. Taamaalilluni Peqqinnissaqarfimmi siulersuisut isumatusaarnerunissaat siumullu naatsorsuutiginnissinnaanissaat pisariaqarluinnarpoq.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput**. Siuliani oqaatigineqartunut Naalakkersuisut oqaaseqaataat kingusinnerpaamik ulloq 22. november 2009-mi kalaallisut danskisullu nch@ina.gl.-imut nuutinnertalerlugit tiguneqarsimassasut ataatsimiititaliamit qinnutigineqassaaq.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliami siulittaasoq

NUUTINNERA:

- Peqqissutsimut Ataatsimiititaliaq